



REPUBLIKA E SHQIPËRISË
BASHKIA PUKË
KËSHILLI BASHKIAK

Komisioni i Përhershëm për Arsim dhe Sport

RAPORT VENDIMMARRJE

Nr. 1 datë 03.09.2025

Drejtuar: Këshillit të Bashkisë

Lënda: Vendim për shqyrtimin e projekt vendimit nr. 8 datë 27/08/2025, relacionit e dokumentat shoqërues në lidhje me propozimin "Për Miratimin e Planit të Arsimit Parauniversitar 2025-2028 në Bashkinë Pukë"

Analiza ligjore: Plani mbështetet në një kuadër të gjerë ligjor kombëtar, përfshirë Kushtetutën e Republikës së Shqipërisë, Ligjin nr. 69/2012 "Për sistemin arsimor parauniversitar" i ndryshuar, Ligjin nr. 139/2015 "Për vetëqeverisjen vendore", si dhe ligjet dhe udhëzimet përkatëse për menaxhimin financiar, mbrojtjen e fëmijëve dhe gjithëpërfshirjen në arsim. Në bazë të këtyre akteve, Bashkia Pukë ka detyrimin dhe përgjegjësinë për të hartuar politika zhvillimore në fushën e arsimit dhe për të siguruar infrastrukturë, staf të kualifikuar dhe shërbime të barabarta për të gjithë. Gjithashtu, për referencë janë marrë në konsideratë dhe në shqyrtim edhe baza ligjore si më poshtë:

Ligji Nr. 9936/2008, "Për Menaxhimin e Sistemit Buxhetor në Republikën e Shqipërisë"

Ligji Nr. 68/2017 "Për Financat e Vetëqeverisjes Vendore"

Ligji Nr. 9632/2006, "Për sistemin e taksave vendore", i ndryshuar

Arsimi Parashkollor dhe i detyrueshëm (Bazë)

Urdhër nr. 31, datë 28.01.2020, "Për miratimin e Rregullores për Funkcionimin e Institucioneve Arsimore Parauniversitare"

Udhëzim Nr. 14, datë 10.7.2023, "Për numrin e nxënësve për klasë dhe ngarkesën mësimore në arsimin parauniversitar"

Udhëzim i përbashkët MAS-MEKI nr. 13, datë 10.07.2024, "Për vitin shkollor 2024-2025 në sistemin arsimor parauniversitar"

Udhëzim Nr. 25, datë 25.07.2018, "Për ngritjen dhe funksionimin e bordit të institucionit arsimor"

Urdhër nr. 199, datë 07.05.2024, "Për miratimin e Kornizës së Vlerësimit të Cilësisë së kopshtit" Përfshirja dhe mbrojtja e fëmijëve

Ligji Nr. 121/2016, "Për shërbimet e kujdesit shoqëror në Republikën e Shqipërisë"

Ligji Nr. 18/2017, "Për të drejtat dhe mbrojtjen e fëmijës"

Plani Kombëtar i Veprimit për Barazi, Përfshirje dhe Pjesëmarrjen e Romëve dhe Egjiptianëve, 2021-2025

Udhëzim Nr. 21, datë 08.08.2014, "Për rritjen e frekuentimit të arsimit parashkollor nga fëmijët romë"

Udhëzim i përbashkët MAS-MSHMS nr. 658, datë 23.09.2019, "Për mbrojtjen e fëmijëve nga përmbytjet e dëmshme në internet"

Shërbimi psiko-social dhe përfshirja sociale

Urdhër nr. 313, datë 20.10.2020, "Për organizimin dhe funksionimin e shërbimit psiko-social në institucionet e arsimit parauniversitar"

Udhëzuesi për Praktikën e Punës së Shërbimit Psiko-Social Shkollor, për punonjësit e ZVA-ve dhe strukturat arsimore vendore

Situata aktuale e funksionit:

Vizioni i planit është të garantojmë një sistem arsimor të barabartë, gjithëpërfshirës dhe cilësor për çdo fëmijë dhe të ri në territorin e Bashkisë Pukë, objektivat strategjike përfshijnë:

Rritja e aksesit në arsimin parauniversitar për të gjithë fëmijët e Bashkisë Pukë, me fokus në zonat më të pafavorizuara dhe grupet vulnerabël.

Përmirësimi i cilësisë së mësimdhënies dhe përdorimi i metodave bashkëkohore në procesin e mësimdhënies

Forcimi i kapaciteteve të mësuesve dhe drejtuesve të shkollave për të siguruar një menaxhim efikas dhe inovativ.

Mbështetjen për fëmijët me aftësi ndryshe dhe nga grupe të marginalizuara, Forcimin e rolit të shkollës si qendër komunitare.

Plani Vendor për Arsimin Parauniversitar në Bashkinë Pukë është ndërtuar në përputhje të plotë me prioritetet e Strategjisë Kombëtare për Arsimin 2021-2026, duke siguruar që objektivat dhe masat e ndërmarra në nivel lokal të kontribuojnë në zhvillimin e qëndrueshëm dhe të integruar të arsimit në nivel kombëtar. Plani do të ketë një rol shumë të rëndësishëm për Bashkinë Pukë dhe ai synon të përmirësojë në mënyrë të ndjeshme të gjitha proceset që lidhen me arsimin parauniversitar.

Kjo përputhje i jep Planit Vendor një qasje të integruar dhe garanton që çdo ndërhyrje në territorin e Bashkisë Pukë është pjesë e një vizioni më të gjerë kombëtar për një sistem arsimor më të fortë, më gjithëpërfshirës dhe më cilësor.

Situata financiare e funksionit:

Financimi i planit do të sigurohet përmes të ardhurave vendore, transfertave nga buxheti i shtetit dhe projekteve të bashkëpunimit. Janë përcaktuar nevojat buxhetore vjetore për secilën masë ndërhyrjeje si dhe është hartuar një planifikim afatmesëm buxhetor për të mbështetur realizimin e objektivave Transferimet specifike mbulojnë zërat e mëposhtëm:

Arsimi parashkollor: përfshirë pagat e stafit arsimor dhe ndihmës, kostot e mirëmbajtjes dhe Funksionimin e infrastrukturës së kopshteve, si dhe mbështetjen për përfshirje në arsimin parashkollor të fëmijëve nga grupe vulnerabël.

Arsimi 9-vjeçar Arsimit mesëm: përfshirë pagat për punonjësit ndihmës, mirëmbajtjen dhe funksionimin e infrastrukturës së shkollave;

Në këtë plan është përfshirë listë e projekteve të investimeve për periudhën afatmesme 2025-2028 (në mijë lekë) e cila përfshin projektet që do të financohen nga Buxheti i Bashkisë Pukë gjatë kësaj periudhe.



Drejtoria / Sektori përgjegjës:

Drejtoria e Burimeve Njerëzore dhe Drejtoria e Turizmit, Arsimit dhe Kulturës kanë relatuar përpara komisionit për miratimin e projektvendimit "Për Miratimin e Planit të Arsimit Parauniversitar 2026-2028 në Bashkinë Pukë"

Monitorimi dhe raportimi : Komisioni i Arsimit dhe Sportit dhe të gjithë këshilltarët do të monitorojnë zbatimin e buxhetit dhe do të thërrasin sa herë të jetë nevojshme Drejtoria e Burimeve Njerëzore dhe Drejtoria e Turizmit, Arsimit dhe Kulturës për informacione të tjera të nevojshme.

Impakti social / grupet që preken: Dokumenti i propozuar "Për Miratimin e Planit të Arsimit Parauniversitar 2025-2028 në Bashkinë Pukë" ndikon në gjitha shtesat e fëmijëve dhe familjeve, që ndjekin sistemin arsimor ose kanë fëmijët në kopshte dhe shkollat e Bashkisë Pukë.

A është objekt i konsultimit publik: Projekt vendimi është objekt konsultimi me publikun dhe konsultimet janë mbajtur ditën e premte datë 29 Gusht 2025.

Komisioni i Përhershëm i Arsimit dhe Sportit , i mbledhur me datën 03.09.2025, shqyrtoi projekt vendimit nr.8 datë 27/08/2025, relacionit e dokumentat shoqërues në lidhje me Projekt propozimin "Për Miratimin e Planit të Arsimit Parauniversitar 2025-2028 në Bashkinë Pukë" paraqitur nga Kryetari i Bashkisë.

Pas shqyrtimit të projekt vendimit dhe materialeve shoqëruese,

Komisioni me shumicë votash,

VENDOSI

1. T'i propozojë Këshillit Bashkiak:

- a) kalimin e projektaktit në Mbledhjen e Këshillit për vlerësim të mëtejshëm dhe shqyrtim
- b) miratimin e projektaktit

Adur Loçi Kryetar i Komisionit
(emri, mbiemri, firma)

Jon Gjoka Sekretar i Komisionit
(emri, mbiemri, firma)

Datë 03 .09.2025

[Signature]